

علوم اقتصادی و اجتماعی

مجموعہ

مر آیت برنجی کونی نشر اولنور

مؤسسلری :

احمد شعیب ، رضا توفیق ، محمد جاوید

مضمرہات :

عوامل اجتماعی : احمد شعیب . — دہ موقراسی و سوسیالیزم :
آصف نفی . — دیون عمومیہ دول : احمد مختار . — انکیز
حکیم مشہوری جون ستوتہ رت میل حریتی فصل آکلیبور :
رضا توفیق . — فرانہ اختلال کبیری : احمد شعیب . —
نشریات و وقایع اقتصادی : محمد جاوید . — یک سکن یوز التمش
سنہ سی استقراضنک مقالہ نامہ سی .

مدیر و صاحب امتیازی :

محمد جاوید

امور ادارہ و تحریرہ : نور عثمانیہ جوارندہ طنین ادارہ خانہ سی

نسخہ سی : ۱۰ غروش

استانبول

باب عالی جادہ سندہ ہلال مطبعہ سی ، ۶۶ و

دېر قرايى و سولايىم

بوتون مخلوقاتك موجوديتي محيطك شرائطنه تابعدر؛ محيطك بر
تبدل خفيفي در حال اوموجوداتكده تبدلي موجب اولور. بوتبدلاتك
درجه امتداد وتوسعي ايسه بوكون تماميله معلومدر. اعصار ارضيهك
تعاقب وتوالييله موجوداتك منشاى بك عميق بر طاقم تبدلاته معروض
قالمشدر. برتبدل سريع نه قدر جزئي اولورسه اولسون بويوك برتبدلن
زياده مؤثردر. برقطعهده حرارتك تنزل ياخود ترفع ناكهايتسي اوراده
ياشاين مجموعه حيوانات ونباتات اوزرنده در حال برمحول سريع حصوله
كتير. بويله محيطات طبيعيه حقنده سرد اولسان شو مطالعات محيطات
اجتماعيه حقندهده قابل تطبيقدر. فقط وهله اولاده اولنرقوه ارثيه لرينك
تاثيري آلتنده كنديلريني دوچار محول ايده جك هر شيله مجادله ايندكرندن
كيفيت اطاعتده بطايله حصول بدير اولور. بز اولنري ادوار تاريخيهك
بك قيصر بر زماننده تدقيق ايدرسهك هيچ برمحوله دوچار اولمامشدر ظن
ايدرز. ناصل كه بردقيقه ظرفنده احوالي تدقيق ايتديكمز بر شخص
حقندهده عين خطايه دوچار اولويورز. فقط برانسانك شابتدن شيخوخته
ونه ايت اولومه دوغرو خطوه انداز اولسي بر دقيقه ظرفنده حاصل
اولمامشدر. خلاصه بوتون موجودات محيطات طبيعيه واجتماعيه لرينك
شرائطي آلتنده تكمل ايدرلر. اكر اولنرك ايچنده ياشادقلى محيط
بطايله تبدل ايدويورسه بوتكمل كيفيتي ده بطايله حاصل اولديني كني

اگر فوق العاده بر حال ایله اویچ نقطه اضمحلاله دوعرو توجه ایدیورسه او موجودده در حال موته محکوم اولور . فرض ایدیکرکه بر تبدل ارضی ایله ممالك مقبله دن برینک حرارتی قطبک درجه حرارته تنزل ایتسون . اوحالده ایکی اویچ نسل صوکره اومملکتک اهایلی ومدنیتنک شرائط حاضره تحتده پایدار اولسی امکان خارجنده در .

فتوحات سبیلله اجرا ایدیلن تخریباتدن صرف نظر ایدرسه هر مدنیت تدریجاً تبدل ایتشددر . مؤسساتک منعدم اولسیله هر ملتک وجودی ده غبار نسیانه سقوط ایتمش واوزون مدت مرور ایتدکن صوکره اونلرک برینه باشقلری قائم اولما مشلدردر . بویوک ایمپراطورقلرده اونلرک ظهورندن اول یاشایان بر باشقه حکومتک انقراضدن پک چوق زمان صوکره تشکل ایتشددر . واقعا رومانک انقراضیلله بویوک بر باربار حکومته تشکل ایتدیسه ذه ظن اولوندینی کبی باربارلرک قازاندقلری سطوت وقوت بر تصادف آنی ایله حاصل اولما مشلدر ؛ بلکه اداره می وقومنک استعداد وعصبیتی مائل زوال اولان رومانک عصرلرجه مدت کندینی مدافعه ایتک خصوصنده کی تسبی نتیجه سیدر . مع هذا بشرک نیل ساحلنده یاخود جزیره العربده فکری ایلک شهله مدنیتله تنور ایتدیکی وقتدن بری دوچار اولدینی استحاله پک بطی اولدینی حالده بر زماندن بری کشفیات فیه وصناعیه ایله دها چابوق تحول ایتدکده در . حتی زمانمزی تدقیق ایدرسه کوریرزکه حالا یاشایان بر قاقچ اسکی جمعیتک بناسی اوتاد قدیمه اوزرینه مؤسس اولدینی ایچین بوکون موقعلری صوک درجه ده متزلزلدر . هر یرده افکار قدیمه ایله ، احتیاجات جدیده مک محصول ولادتی اولان افکار حاضره آره سنده بر مجادله دائمی مشهود اولویورکه بوراده اونلرک بر قاقچی تدقیق ایده جکم :

« قوانین طبیعیہ تکامل ایله ده موقراسی افکاری آرسنده اختلاف »

بوگونك انظار من او كنده كی اختلاف آندن اك بو یو كی شبه سزاسكیدن
یری قوه خیسالیه مزك بزه ابداع و ایجاد ابتدیی افكار نظریه ایله فك
بوكون مرتبه بداهته ایصال ابتدیی حقائق آره سنده در . افكار دینه
ایله كشیفات حاضره نك بزه القا ابتدیی استدالات فیه آره سنده كی
اختلافدن بحث ایتیه جكم . اصل اختلافات اعتقادات جدیده فیه ایله
اقوام حاضره یننده هر دورلو خصوصیت و منافرتی تولید ایتیمكله برابر نقطه
استنادلری اولان مؤسسات آره سنده دركه تدقیق اختلافاته بونقطه دن
باشلامق ایجاب ایدر .

فرانسه اختلافاتی ایقاع ایدنلر افكار انسانیه بی مجادلاننده شان وظفرله
تتویج ایتدكن صوكره مباینك جبهه لرینه مساوات ، حریت ، اخوت
نكملرینی یازدقاری زمان فنون حاضره هنوز طلوع ایتمه مش ایدی .
ایشته بوتك ایچین مؤسساتی ایسته دكاری كی تبدیل ایتدیله . لکن بو
کون نیر علومك طلوعیله بوتون بوخود بینلكلرك ماهیتی درحال تظاهر
ایتدی . وقانون تكامل اوخود بینلكلری صارصه رق طبیعتده بر مجادله نك ،
دائما اك ضعیفلری تباه ایدن مع مافیه بوتون ترقیاتك تولدینه سبب اولان
بقانون وحشینك موجودیتی اثبات ایتدی كه اولسز بشریت وحشت
ابتدائییه سندن كندینی تخلصه موفق اولیه جق و هیچ بر مدنیت طلوع
ایده میه جك ایدی .

دنیا ده قوانین طبیعییه قدر آریستوقراتیک هیچ برشی بو قدر دینه بیلیر كه :

« آریستوقراسی جمعیات بشریه نك قوانیندر . »

ده موقراسینك اساسی انسانلرك حقوق متساویه دن مستفید اوله رق
آره لرنده سربست بر رقابتك موجودیتی تأمیندن عبارتدر . فقط بورقابتده

کیمز نائل موفقیت اوله‌حق ؟ ارنک تأثیری تحتنده بعض استعداداته مالک اولوبده اونی تربیه فکریه ایله تقویه به ترقی مساعد اولانلرمی ؟ فقط احوالده حقیقته اک زیاده مساوانسزلق آرزو ایدن ده موقراسی اولمازمی ؟ احوالده اسکیدن صنوف اصالتک حائر اولدینی قوت واقتدار شمدی ده موقراسی به انتقال ایش دیمک دکلیدر ؟ یالکز ده موقراسی ایله آریستوقراسی آره‌سنده بر فرق وارکه ده موقراسینک ابوانی هیچ کیسه به مسدود دکلدرد ، اورایه هرکس کیره بیایر . فقط اوراده دیگرلرینه اعلان ایده‌جکی حربک موفقیتله نتیجه‌لشی ایچین مطلقا مزیات فکریه به مالک اولمق لازمدر . احوالده ده موقراسینک تهله‌کلری واردر . له‌ئونسه دییورکه : « اسکی زمانلرده افکار عمومیه قوه مستبدنک نفوذندن شکایت ایدردی . فقط اقوام هرشیئی بد حاکمیتنه آلدینی زماندن بری عجا استبداد یوقیدر دیه‌جکیز ؟ بوکون کنسینی مبعوث انتخاب ایتدیرمک ایستین بر آدم خلقلک آرزوسنه تبعیته مجبور دکلیدر ؟ زماننک ترقیات فکریه‌سندن محروم اصنافدن بر منتخب اک غیر ممکن شیلری طلب ایتدیکی حالده نامزد اوکا ایستدیکی شیئی وعد ایتیمورمی ؟ موقع اقتداره کلن برفرقه خلقه اک چوق مواعیدده بولنانی دکلیدر ؟ بونک نتیجه‌سی اوله‌رق خنقلک مداخلاتیه ده موقرات حکومتلر مؤسسائی لاینتقطع تزايد ایدیورکه بوندن بویوک برتهلهکه اوله‌مز . واقعا پارلمنتولر هر زمان قانونلر تنظیم ایدرک بوفالقلره چاره‌ساز اولمق ایستورلر سه‌ده بلکه بوصورت خلقلک سربستینی اخلال ایتدیکی ایچین ده بویوک فنالقلک تولدینه سبب اولویوز . » اقتصاد یوندن ایتالالی موسیو لوچانی ده « حکومتک مؤسسائی بزم نه طبیعت بشریه مزک شرائطی دکیشدیر بیایر ، نه‌ده بزه روحزده موجود اولسان بر طاقم فضائی بخش ایده‌بیایر . چونکه بز هر خصوصده اقتصاد ملینک شرائط

عمومیه سینه تا بهر . « دیور .

کندیسنه تودیع اقتدار ایدیلن بر ناظر تمب آور اولان مشاغل یومیه سی آرمنده قوتی حصوله کترین اداره قدیمه بی و مآثراتی تعدیله وقت بوله مز . باخصوص هر ناظر موجودیتک از بر زمانده دوچار زوال اوله جفته قانع اولدینی ایچین نانی یاد ایتدیره جک بر اثر براقق آرزوسنده مقاومت ایدمه جکندن دائماً سربستی به تمایله ایدر . اگر قاینه لر اوقدر چاپوق ده کیشه مش اولسه ایدی فرانسه ده بوکون مشهود اولان تشبثات عالمانه حصوله کلمه جک ایدی .

ده موقرات اداره لک بر مناسبتنزلکی ده اوئی اداره ایدن آدم لک عادی بر روحه مالک اولملریدر . اونلک یکنه مزیتلری هر نه حقنده اولورسه اولسون رقیلرینه قارشیی آکشین افادانه جواب ویره یملریدر . پاسقال و نیوتون کی سوبله دن اول سوبله جکلری شیلری اوزون اوزادی به دوشونلر اکر بر پارلمتوده بولونلر ایدی یک سونوک قاله جقلردی . پارلمتوده در حال دوشونمکسزین سوبله یلک لزوم و احتیاجی ایسه مع التأسف مجالسی یک چوق افکار مینه اصحابندن محروم ایدیور . دائماً مبعوث نامزدی متخیلرینک آمال و احتیاجاتی اوقشایه رق واونلره اک عذیم الامکان شیلر حقنده وعدلرده بولونلر رق کندی انتخاب ایتدیرمکه موفق اولویور . بونک ایچین عوام ، سوق طبعیسیله کندیسه اک مشابه اولانلرینی آرایه رق دائماً عادی وخیالات واهیه ایله اوغراشان دماغلری حکومتک سینه سینه ادخال ایدیور .

« ره و بولیتیک نه پارلمانتهر » ده یازیلش بر مقاله واقفانه ده دینورکه :
« خلق افکار عادیه بی افکار منوره به ترجیح ایتسدیکی ایچین ارباب تفکر
انتخابات مجادلاننده دائماً مغلوب اولویور . احوالده ده موقراتیک حکومتک

سویه عرفانی کیتدجکه تنزل ایدیورسه بوکا حیرت ایتمه‌میلدر .
 بعضیلری بوحالک اسبابخی عرقک تاثیراته عطف ایدیورلرسه‌ده
 دوعرو دکلدر . چونکه فرانسه‌ده واقع اولان شی آمریقاده بلکه ده
 زیاده واقع اولمقده‌درکه بوصورتله سویه فکریه و اخلاقیه‌نک صورت
 دائمیه تنزلی آمریقا علماسنی صولک درجه‌ده دوشوندریمکده‌در . باخصوص
 اوراده ده موقراسی بی‌الک زیاده تهدید ایدن‌شی رشوتدر . تفسخ اجتماعی
 اوراده هر یردن زیاده حکمفرما اولمقده و انتخابات کبی شیلرده پاره پک
 خائن بروطفیه ایضا ایتمکده‌در . آمریقاده منتشر بر رساله‌نک افاده‌سته
 کوره ، اوراده بر رئیس جمهور انتخابی ایکی بوز میلیون مال اولمقده‌در .
 جنوبی آمریقاده کی لاتین جمهوریتلرینه کلنجه : سوء استعمالات اصل
 اوراده بر شکل مدھش اکتساب ایدیورکه بتفسخ دائمی ابله بوتون مؤسسات
 آز برزمانده اساسندن منھدم اولورسه بونی پک طبیعی برشی اولمق اوزره
 تلقی ایتک ایجاب ایدر . بوتله‌ک سوسیالیزم اوزرینه مؤسس اولان حکومت
 ایچین ده قریب الوقوعدر .

ده موقرات مؤسساتی عصبی عرقلرده بر فالتی حدوثه سبب اولماز
 و بویله بر اداره آلتنده هرکس مساوی و حر ایسه‌ده بر جمعیت ایچنده
 استعدادسز ، عاجز اولانلر ده موقراتیک بر اداره‌نک ویردیکی حریت
 و مساواتدن حصه‌یاب اولمق ایچین بر نقطه استناد بوله‌بیلیرلرمی ؟ ایسته عصر
 حاضرک حلی‌الک مشکل بر مسئله اجتماعی‌سی . اگر حریت بر حدود تعیین
 ایدیلیرسه اوزمان سوسیالیزم ظهور ایدرکه بلکه بونک تولید ایده‌جکی
 فالتلر تدایوسنه چالیشدینی مرضک نتایجندن ده مدھش اولور .
 آمریقا حکومت منخده‌سی کبی حریت و مساوات اوزرینه مؤسس
 اولان بر مملکتده مزیات فکریه‌دن محروم اشخاصک تعیش خصوصنده

دوچار اوله جنی مشکلات آریستوقراتیک مؤسسه مالک بر مملکتدن
دها بوو کدر .

آمریقا حکومات متحده سنک بو حالندن بحث ایدن انکلیر مورخ مشهوری .
« مهن » دیورکه « آمریقا قدر هیچ برده موقراتیک حکومت یوقدرکه .
اک مرتسز بر صورتده استعداددن محروم اولانلری ازسین . اوحالده .
سوسیالیستلرک فکرینه کوره قوانینی اکثریتی تشکیل ایدن ضعیفلرک لهنه .
ده کیشدیرمک وقوبرلی فدا ایتک لازم کلیر . » بر لحظه ایچین بو خیالک .
منقلب حقیقت اولابیله جکنی ملاحظه ایدرک سرمایه ، رقابت و ذکای
بشری واسطه استحصال ثروت عد ایتیم . بویه اولورسه عجبا خلق بر
شی قازانه حق ؟ هیهات ! هیچ برشی قازانمقدن باشقه بالعکس یک چوق
شی غائب ایدرک . چونکه ارباب مساعی بی زکی نشدیرن افکار عالیه نیک
نفوذیدرکه یالکز اونک سایه سنده بو کونکی مدنیتک او قدر متنوع پارچه لری ،
تفرعاتی اولان ماکنه سی تکمل ایدر بیلیر . افکار عالیه سنز بر مملکت آزر
زمانده روحسنز بر جسدکی اولور . نه بردارالصناعه مهندسز ایش پابه بیلیر .
نده مرتبسنز برکی سوق و اداره اولنه بیلیر . هیچ شهبسنز بر مدت امواج
آرمنده چالغانقدن سوکره ایلک تصادف ایتدیک قاییه چارپه رق محو
ونا بود اولور . اوحالده افکار متفوقه اصحابی اولمینجه ضعیفلرک استقبالی
دهاسفیلر ، دهاشایان مرتددر . ده موقراسی ایله سوسیالیزم آرمنده کی
اختلاف بو کون او قدر مرئی اولمدینی ایچین بر چوق کیمه لر سوسیالیزمی .
ده موقراتیک افکارینک بر نتیجه سی کبی تلقی ایدر لر . جال بوکه بو ایکسی
قدر هیچ برشی بر بردن او قدر عمیق کردابلرله آیرنلامشدر . بلکه بر دینسنز
بر معتقده ده یقیندر . ظن اولوندینی کبی فن ایله ده موقراسی آرمنده
هیچ بر اختلاف یوقدر . بو کون ده موقراسی ذوقی بوتون اقوامده حکومتلرینک .

تکلیفی نه اولورسه اولسون، عمومیدر. آریستو قراسینک برکون ده موقراسی بی
محو ایده بیلمسی فکری پک کولونج اولور. فقط اونی محو ایده بیله جک اک
بویوک دشمن سوسیالیزم اوله جقدر.

انسانلر آره‌سنده کی مبارزه دائمه وحشیه یالکز اقوام آره‌سنده دکل
فقط اونک اک دهشتلیسی افراد ییتنده در. و بوجادله سایه‌سنده در که خلقت
عالمدن بری ارضک کچیردیکی ادوار مختلفه ده بشریت کندی شکل ابتدایسندن
تخلیص ایده رک تدریجاً مدینه دوعرو خطوه انداز اولدی. بوجادلانی
حسیاتمله تحلیل ایتمک کمز زمان اونک نه وحشی برشی اولدیقی آکلایه رفی
قلینده حتی کندیزه قارشی بر نفرت حاصل اولویور. فقط حیاند هر کیمک
حصه تمکی معین اولق ایچین آره‌مزده بویله بر مجادله‌نک وجودینه احتیاج
واردر. چونکه عکس تقدیرده هر کس هر شیمک کندینه عاید اولدیقی
ادعا ایده جک ایدی. بناءً عینه هر نه صورتله اولورسه اولسون برترقینک
موجود اولدیقی یرده مطلق بر مجادله واردر. طبیعت نهمیفله هیچ مرحمت
ایتمز. دیاده ضعیف اولان هر موجود مطلق محکوم نمادیر؛ و طبیعتده
حاکم یکانه قوتدر. دکادنیلهن شی ایله ماده دماغیه آره‌سنده اوقدر صیقی
بر رابطه واردر که دیاده بر موجودک حقوقی دماغنک استعدادیله مقایسه
ایدیله یایلر. حتی ضیای مدینک کیره مدیکی یرلرده انسانلر بر بویله دکله
بیله هیچ اولمازسه حیوانلرله مجادله دن مصون اولامیورلر. هر شیه لاقید
اولان طبیعت ایسه بوقانونیله برابر نه ظالم نده رحیدر. اوبزم افکار
عدالتکارانه منی بیلمز و نه قدر. اوندن متفر اولورسه ق اولام نتیجه‌ینه
اونکله برابر یاشامغه مجبورز.

اقوام آره‌سنده کی مبارزاتی مدینت قطعاً تخفیف ایده مه‌مشدر.
بوگونکی مبارزه ایله بشریتک ادوار ابتدایه‌سنده کی مبارزات آره‌سنده

هیچ بر فرق یوقدر . ظن اولنیورکه حتی محو ایدن شی قوتدر . خایر . چونکه قوت وحق عین شیدر . واقعا بوکون حقوق دول نامیله بر شی وارسه ده کوریورزکه دولتر استقلاللرینی مدافعه ایچین اوکا دکل فقط قوتلرینه استناد ایدیورلر . چونکه ضعیف دایما قوینک پنجه سی آلتده اولمکه محکومدر . واقعا پورتکیز ، یونان ، چین و فاس کبی حکومت آلان یاشیورلر سده بونلرک حیاتلری دیگر قوی اقوام آره سنده کی رقابته حربوطدر . اورقابتهک مبدل اتلاف اولدینی کون اونلرک حیات موجودیتلرینه وداع ایتک لازم کلیر . هیچ بر نظریه حقوقیه مجادلات بشریه یه چاره یاب اوله میه جقدر . بر قوم نه قدر کوچوک اولورسه اولسون اکر طبیعت عصبی و حیاته محبتکار ایسه کنديسنی نفوسجه دها زیاده اولان اقوامدن ایی مدافعه ایده بیلیر . شو حالد بر قومک بر مجادله دن موفقیته چیه ییلمی امیدی افرادینک کثرتیله دکل فقط عصیتیه متناسبدر . تاریخ بر منفعت اقتصادی استحصال ایتک ایچین انسانلرک مجادله سی اساسنه مستنددر . صنفلرک مجادلاتی دنیا قدر اسکی بر شیدر . بر صنف دایما قارشیسنده کندی منافعه مغایر دیگر بر صنف بوله جقدر . بومجادله یالکز مختلف صنفلر آره سنده دکل حتی بر صنفه منسوب افراد آره سنده ده حکم فرما اولمقده در . حتی سوسیالیستلر ظاهراً بر مقصده متوجه اولدقلری واملری جمعیت حاضره نك تخریی اولدینی حالد اونلرده اختلاف ایدیورلر . بوکون اسکيسنه نسبتله مجادله بشریه دها شدید بر شکل و صورت آلدی که بونک متعدد اسبابی واردر . بشریت عالم انسانیتده طبیعتک هیچ بر زمان طانیه جفی مساواتی تأسیس ایتک ایسته دیکی زماندن بری مجادلات تشدد ایده رک دها بویوک فناقلرک جدوئنه سبب اولویور . چونکه اساساً طبیعتده مساواتسزلق اولدینی ایچین دنیا ده عدالت اجتماعیه نك

تأسی غیر ممکندر . چونکه عدم مساوات بشری تابشیکندن مزارینه
 قدر تعقیب ایدر . چونکه کوریورزکه برینک زنکین او برینک فقیر ؛
 یاخود ذکی ویا احمق ؛ قوی ویا ضعیف اولسی کی ماینتر حیات بشرده
 بر عدم مساواتک وجودینی اثبات ایدیور . دیورلرکه « طبیعده کی
 بو عدم مساواتی آنجق سوسیالیزم الفایه موفق اوله جقدر . » فقط
 هنوز سوسیالیزمک نه اولدیفنی بیلمین بشریت ادیانله مساواتی تأسیس
 ایده بیلدیمی ؟ حتی غصب اولنان بر ملتک آجدینی بر حرب اکثریاک
 معکوس نتایجله ، اک ظالم بر فلاکت سیاسیه واجتماعیه ایله نتیجه لیجورمی ؟
 ظن ایدر میسکرکه مدنیتک ترقیسی بوتون بو مجادلاته نهایت ویره جکدر ؟
 بالعکس تاریخ اثبات ایدیورکه هر خطوه مدنیت قلب جمعیتی بر آزدها
 قاناتمقدردر . بوکون پاترونلرله عمله آره سنده اسکینه نسبتله دهادرین بر
 اوچوروم وار . شمده قدر بوتون دوکولان قانلر منفعت ایچین دوکولمشدر .
 تیمور وجنکیز خان باشلرینه طویلادقنری برسورو خلقه فتح ایده جکلری
 یرلرده آله جکلری غنائمدن بحث ایدرک اونلری اک دنی وحشت ومظالم
 ارتکابه تشویق ایتمشلردر .

اسکی زمانلرده مجادلات بشریه یکه سبب مغلوب اولان ملتک
 الندن حقی غصب ایدرک غنائم فتوحاتدن مستفید اولق ایدی . بوکونکی
 مجادلیه سبب ایسه مبارزلر آره سنده کی نفرتدر . بونفرتک سببی ده صنوف
 مختلفه نك پرورده ایندیکی افکار سخیفه در . اگر انسانلر بر برینک
 افکارینی تمامیه آکلاسه لر ایدی تاریخ بشری تلویث ایدن او محارباتک بر
 چوغی احتمال واقع اولمازدی . فقط هیات ! حقیقته اک بویوک خطا ؛
 خلق نظرنده اک علوی بر حقیقتدر .

ماقوله ی دیور که « بر زمان صوکره صبر وثباتی ، حقوق مکتسبه یه

رعایتی، تعهدات عمومی به صداقتی و عطف و نصیحت ایدن هیچ بر فرد آمریقا سناتوسنه دخوله موفق اوله میه رق اونلرک یرینه بویوک سرمایه صاحب لری علیهنه الک منطق سز تفوهاته هجوم ایدنلر داخل اوله جقلر . ایشته اوزمان برسه زار یا خود بر ناپولئون جمهوریتک قلبی دمیردن پنجه سی آلتنده صیقارق نهایت بامکه رومانک عاقبتندن دها وخیم بر صورتده یکره نیچی عصرک وحشیلری ده آمریقانک حیاته نهایت ویره جکلردر . « سوکرا عین مسئله حقنده سپه نسر شو صورتله بیان فکر ایدیور : « مستعدلرک حسابنه اوله رق قابلیت سز لری بسله مکن دها بویوک بر ظلم اوله من . و بویله اونلری بسلیه رک جمعیت ایچنده تبللری ، حیوانلری ، جانیلری چوغالتحق قدر اخلافه دها بر مردار بر هدیه تقدیم ایدبله من . محبت بشریه ولو بر زمان ایچین انسانلر آره سنده کی عدم مساوات خسته لفتک اعراضی اخفایه مقتدر اولسه بیله آتیا اونک آچه جفی قرحه تخریب دها بویوک اولمازمی ؟ بوکون سوسیالیزم الک ناقابل حله مسائل اجتماعی بی حله مقتدر اولدینی ادعا سنده در . بوتون پاره سز لر ، حیاتک بوتون مغلوبینی اونک جریاننه تابع . فقط قانون طبیعته مخالف اولان بو جریان سوکرا شکارینه اصلا مرحمت ایتمه ن دهشتلی بر کرداب حصوله کتیره بیلر . »

آصف نفه ی